

1737.

1. Thijren, Georg Henricus: De collectione juris Canonici
sive veteris tum recentioris et lectiones suas
procurat.
2. Gebauerus, Georgius Christianus, Ord. jurisdi. prote-
canus: ^{inang.} panegyria (Joannis Christiani Thilo) indicit.
3. Gebauerus, Georgius Christianus, Ord. jurisdi. protecanus:
et... Philippi Henrici Heunischii lectiones et Dispu-
tationem ^{inang.} irritat.
4. Gebauerus, Georgius Christianus, Ord. jurisdi. protecanus:
et panegyria, in qua 6 Candidatis... ~~summus et~~
1) Joani Antuan Heunere 2) Georgio Henrico Bergero, 3)
Georgio Christiano Woeffio, 4) Joani Christiano Thilo 5)
Philippo Henrico Heunischio 6) Friderico Christiano
Heunero (!) ... summus in utroque jure doctor...
confert, irritat.

5. Gebauer, Georgius Christianus : De matrimonio cum
avunculi vidua.
6. Haasius, Johannes Medicus : De juramento Libentis
praestito et Formae Cap. 9.
7. Hamsecius, Francus Russus : De testamenti accedente
secundum legem facta revocatione.
8. Hoffmannus, Samuel Christianus : De definitis juris
scientiarum philosophicarum limitibus.
9. Feutl, D. Frid : Anno sensu datus et non datus
jus naturale, exponit.
10. Reinhardt, Tab. Lac. : De juris non scripti extra
territorium efficientia.
11. Reinhardtus, Tab. Lacus : De praesentia unius
partis ob noxam vel perfidiam alterius, in contrac-
tibus nominatis ex utro.

12. Reising, Francus Benjaminus : De contracto suffragii
13. Rymannus, Francus Guilielmus : De executione sub-
sidiana
14. Schestianus, Christianus Ludovicus : Excursionen in
argumenta nonnulla . . . inter tumultuariam li-
brerum, novellarum quarundam Imp. Louis Reti. phi-
losophi.
15. Senckenberg, Henricus Christianus, Prof. iur. ord. & Pre-
lusio, qua disputatioes feudales, a . . . quibusdam
. . . communibus . . . suscipiendas, indicat
et textus difficili 2 Feudor. 26 & his consequentes,
Vn. Theatrum veris Lebens-Frickten von dem Herbjahr,
genuinum intellectum restituere aggredietur.
16. Senckenberg, Joh. Christianus : De Latii Consulatum epus
que imprimis baccae virtus.

17. Thilo, James Christianus: De diversorum episcoporum confusione Germaniae partem proficere atque non permittenda.

18^{to} Treuer, Julius Samuel: De juris prudentia publica circa titulos officii Imperatoris Augustissimae.

19. Unger, Jo. Christianus: De pacto repetendae sortis venditorum annuorum reddituum

P. 12.



17
IN ACADEMIA GEORGIA AVGVSTIA
ORDINIS MEDICI PRODECANI
ET PROFESSORIS PRIMARI
GEORGII GOTTLOB RICHTERI D.
CONSILIARII AVLICI ET ARCHIATRI REGII
INVITATIO

AD
DISPVATIONEM MEDICAM
IN AVGVRALEM
CANDIDATI MEDICINAE DIGNISSIMI
IOANNIS CHRISTIANI SENCKENBERGII
FRANCOFVRTENSIS AD MOENVM
DIE IV. SEPT. A. O. R. CIOCCXXXVII
LOCO HORISQVE CONSVETIS HABENDAM.



GOTTINGAE,
STANNO IOH. CHRIST. LVD. SCHVLTZII,
ACAD. TYPOGR.

IN ACADEMIA GEORGIA-VIGILIA
ORDINIS MEDICI PADOVANI
ET PROFESSORIS PRIMARI
GEORGIUS GOTTLIBUS RICHTERUS D.
CONSULTOR VALLIS ET ARCHIDUCIS AUSTRIAE

DIETAE PADOVAE ET DICAM
JANUARI 1781
CANDIDATUS MEDICINAE PADOVAE
IOHANNES GUSTAVUS VON KERNBERG



CHRISTOPHUS WILHELMUS SCHULTZ
1781




✠✠✠✠✠ ✠✠✠✠✠ ✠✠✠✠✠ ✠✠✠✠✠ ✠✠✠✠✠ ✠✠✠✠✠ ✠✠✠✠✠ ✠✠✠✠✠
✠✠✠✠✠ ✠✠✠✠✠ ✠✠✠✠✠ ✠✠✠✠✠ ✠✠✠✠✠ ✠✠✠✠✠ ✠✠✠✠✠ ✠✠✠✠✠
✠✠✠✠✠ ✠✠✠✠✠ ✠✠✠✠✠ ✠✠✠✠✠ ✠✠✠✠✠ ✠✠✠✠✠ ✠✠✠✠✠ ✠✠✠✠✠

Non tam expeditum est, vt multis videtur, de plantarum viribus iudicium, nisi ad illas erudendas & a tergo & a facie pateat accessus. Qui solas hic experientias iactitant toties sibi contrarias & vanitatis saepissime conuictas, minime illudent doctioribus, quibus incognitum non est, hanc veritatis inueniendae viam multis obseptam difficultatibus eos omnes aditu arcere, qui post rite definitum corporis aegrotantis statum, eorumque, quae illud quotidie ingrediuntur & mutant, caute perspectam indolem iustos subducere calculos, & in sola superuenientis nouae mutationis constantia fidem medicamento explorare nesciunt. Fallacis experientiae querelas ingeminavit Hippocrates, & cum eodem hodie ingeminant germani artis filii, quid non fallaciarum penes illos, qui difficillimam accuratae obseruationis normam nunquam assequuntur, germinabit? At ex altera parte longe peius de medicina merentur, qui ex quibusdam obscurissime stabilitis principiis nunc has nunc illas agendi leges inuestigandis corporibus in antecessam tribuunt, & ex arbitrio munerata partiuuntur. Quantum in repurganda medicina his eliminandis ingeniorum sordibus opus fuerit, diuersissima elapsis seculis medicinae facies declarat. Nec opera eximiorum nostro aeuo virorum fucum adhuc omnem deterfit & natium arti colorem restituit. Dubium tamen non est, si rebus exactiori sensuum testimonio cognitis seueriores ratiocinandi leges cum *Borellis Picarnis Bellinis Keiliis Boerbauiis* aliisque prouide-


) 2 ac.

☉) (☉

accommodemus, nec scopas illas dissolutas, quas ubi-
uis reperimus, opera nimis tumultuaria congregare &
systemata condere festinemus, habituros nos esse cumu-
latius, de quo & medici & aegroti sibi mutuo gratulen-
tur. Itaque etiam in plantarum examine perplacet pau-
corum Chemicorum circumspecta prudentia, qua per
simplicissimos mutationum gradus insitas earum virtutes
scrutantur, & ex organica structura, quam iis fere
cum animali corpore communem doctissimi viri deli-
nearunt, examinis varie instituendi necessitatem colli-
gunt. His moris non est, quassare plantam & vnum
ex tot variis partibus succum exprimere, aut violento
statim igne, quicquid in iis latere possit, extorquere,
& tanquam eiusmodi, quod omnes plantae facultates
possideat, interpretari. Sciunt illi, sic aeque ineptum
ferri iudicium, quam si quis iudex de humani corporis
fluidis & bilem & lotium & sanguinem & omnia inter se
permixta sub vnum examen reuocare, imo igne quo-
cunque & dubiae fidei instrumentis plus permutare ve-
lit. Est plantis sua epidermis, sunt sua vasa exhalantia,
quibus cutis subiacet cum panniculo adiposo, qui ex
infecto vulnere resinam, gummata, lacrymas aut aliam
adipis speciem plorat. Sunt iis vasa absorbentia, quae
velut in omni superficie sita sunt, ita inprimis ex poris
radicum succos nutritios terrae per sabulum percola-
tos recipiunt, & definito a laudatissimis viris *Halesio*
Desaguliero aliisque motu per propria vasa vehunt, qui-
bus spiritaliter accumbunt tracheae aereae & fibrae ful-
cimenti loco seruietes, ita vt recepta moueantur, mu-
tentur, quaquaersum distribuantur, ad certos vsus
varie segregentur, repurgentur certisque iterum locis
eli-



eliminenter. Vnde est, cur sapor & odor fatuum magis in radice liquidum, in ramis maioribus plus excoctum, in foliis adhuc elaboratius, in floribus elaboratissimum deprehendant, quibus sine dubio singulis peculiaris vis inest minime confundenda. Haec organica fabricae varietas efficit, vt idem qui attollitur in plantam succus, dulcis in arundine saccharifera, amarus in colocynthide sit, vt flauus coloris in chelidonio, albus in tithymalo, ruber in bera appareat, & vt alias vires cortex alias radix alias flores alias baccae & semina comprehendant. Quin & haec ipsa mire inter se differunt, quae maxime cognata videntur, vt spirituum vegetabilium vis nervos afficiendi, ex quibus odoratissimum hyacinthi spiritum hysterici ciere spasmos, spiritum rutae licet similiter praeparatum ortos sedare videas. Omnia, quae debet, Chemia praestitit, si singulis partibus seorsim euoluendis apta instrumenta eaque suo ordine admouet, quae mutabiliora sunt, primum leniter & sine vi segregat, deinceps fixiora diuellit, & ita per gradus corporum compositionem soluit. Quae ita acquiruntur & in suas reducuntur classes, siue aquae siue spiritus siue salis siue olei siue terrae nomine veniant, siue in hoc siue illo simplicitatis suae aut etiam miscelae gradu considerentur, communes facile vires suas manifestant, at quomodo singula inter se in sua specie differant, id acerrimi iudicii vim eludere, non aequae sollicitae experientiae oculos fallere solet. Inter omnes plantarum partes fortassis floribus tanquam in summo perfectionis apice constitutis plurimum tributum est, quorum tamen fugitiua sunt munera, cum plerique sal volatile oleosum aromaticum, quod vix vasis coerceri ac contineri possit,




)(




fit, alii vt meliloti mucaginem tenuem, pauci sal fixum vt calendulae, at paucissimi plusculum terrei elementi vt flores nymphaeae & balauftiorum complectantur. Propterea cum delicias formae & suauitates odorum conlectamur, rarior est insequentium saepe baccarum messis, quae tamen penetrantissimi olei & salis vberi prouentu non modo gaudent, sed et cum gloria insitae praestantissimae virtutis laudem fixitatis & durabilitatis coniungunt. Quam praeclara prorsus sit & eximia, quae ex baccis iuniperi lauri similibusque parantur in aegrotorum praesidium, & in expugnandis morbis chronicis, multiplex experientia loquitur. Idem inprimis de baccis liliorum conuallium valet, quas ob exambiti floris fragrantiam pauci permittunt ad statum maturitatis suae peruenire, dignas ceteroquin penitiori indagine. Atque his inter priuata artis tentamina peculiarem operam nauauit, quin & inde dissertationis suae inauguralis argumentum petiit nobilissimus doctissimusque medicinae Candidatus

IOANNES CHRISTIANVS
SENCKENBERG,

de cuius ingenio & doctrina bene ominamur, & hic pro more vitae eius curriculum, quod & ex sua parte spem hanc confirmet, paucis atteximus. Francofurtum ad Moenum eruditissimorum virorum haud infocunda mater eum in sinu suo genuit anno huius seculi septimo, mensis february die vigesimo octauo. Pater ei fuit primarius ciuitatis illius Physicus, *Ioannes Hartmannus Senckenberg*, consummatae tum experientiae tum doctrinae




étrinae medicus, quem cum magno aegrotantium de-
siderio trigefimus huius seculi annus e viuentium coetu
furripuit. Mater *Maria Margareta*, *Antonii Raumbur-*
gerii I. V. D. & publicis ciuitatis negotiis expediendis
praefecti, vulgo *Stadtschreiber*, filia, intemeratae fidei
& pietatis matrona etiamnunc superstes in prole tam
laetis auspiciis efflorescente vero perfruitur fortunatae
matris solatio. Aetate iam iuuenili, quam fidelissima
scholarum disciplina excoluit, studium optimi Parentis
amplexus, manumque paternam, quae ipsa duceret,
exosculatus est. Magnae tam tenerae menti illecebrae
fuerunt, amoenissimam spectare tot plantarum varietatem,
quae circa illam urbem laeto hortorum prouentu
germinant. Igitur tum temporis maxime Botanicas
delicias sectatus est, nec datur alia medicinae pars, quae
in isthoc vigore sensuum & inter illa promptissima
memoriae praesidia feliciter a iuuenibus excolitur. Nec
tamen in his substicit solertissimi parentis cura, quamuis
inter tot alias grauissimi muneris occupationes diuisa.
Suggestit crescenti aetati & per regulas & per exempla,
quae omnem medicinam illustrarent, & nouas conti-
nuandae industriae faces in animo filii accenderent.
Inter haec noster humanitatis & philosophiae studia sub
Rectore & Collegis Gymnasii patrii cum laude absoluit.
Quae studia emensus autumno anni 1726. Laubacum se
contulit, experientissimi agnati sui, *Io. Iacobi Reichii*,
illustrissimorum Comitum illic locorum Archiatri fide
& institutione vsurus. Suppeditauit integerrimus vir
ex penu locupletissimarum obseruationum tum phy-
sici tum medici argumenti, quae noster per annum fere
alacri ingenio comprehenderet. Post reditum in pa-
triam



)(




triam accessit Anatomica & Chirurgica Institutio excellentissimi viri, *Ioannis Michaelis Büttneri*, nunc primarii Physici Francofurtensis, nec minus exaesiata opera Physici ibidem ordinarii celeberrimi *Ioannis Jacobi Grambsii*, cui in Anatome practica & cognitione materiae medicae insignem profectuum suorum partem tribuit Candidatus noster. Quid de parente addam, cuius palam est non quieruras fuisse operas in adolescente, quas in puero cum voluptate collocarat. Haec per triennium noster egit, vicinasque regiones crebro peragrauit, ad aerem aquas naturas moresque hominum attendit, triplicesque naturae opes, & quae alia medico vsui commoda videbantur, cum industria & pro viribus aetatis excussit. In qua studiorum maturitate cum annorum viginti trium esset, Academiam Halensem petiit anno 1730. & per biennium grande illud medicinae decus, illustrem *Fridericum Hoffmannum* in physicis & praxi medica audiuit, pariterque professores alios eximiae famiae, *Michaellem Alberti* in omni medicinae parte, *Ioannem Junckerum* in Chemia & materia medica & praxi clinica, *Io. Henr. Bassium* in Chirurgia Anatomia & arte obstetricia assidue sectatus est. Atque vt horum omnium ita maxime laudatissimi *Junckeri* benevolentiam erga se extollit. Accidit sub finem anni 1731, vt aduersae valetudinis causa Halam venerit vir perillustis *Rudolphus Antonius ab Heringen*, Dominus Mehrlae Keulae Bouentae, Serenissimi Principis Saxonis Gothani consiliarius secretior & ad comitia nomine Ducatum Gothani & Altenburgici ablegatus. Is sibi nostrum in itinere comitem ac medicum delegit, secumque postea habuit Mehrlae & Erfurti, vbi



vbi celeberrimi consiliiarii & Professoris *Hermanni Pauli Iuchii* amore frui Candidato nostro licuit, qui post reparatam perillustri Viri valetudinem in patriam rediit ad medicinam faciendam. Anno 1735. trans Rhenum, vt latentes ibi naturae diuitias scrutaretur, comitatus est amantissimum fratrem suum *Henricum Christianum Senckenbergium*, quem Consiliiarium regium & Professore iurium ordinarium haec colit academia nostra, tunc Consiliiarium Rhengraucum. Arque illo tempore noster ad aulam illustrissimae comitis viduae *Ludouicae*, natae Comitis Nassouiae, post fata *Caroli* Dhunas Kyrburgique Wildgrauii terras illa illustrissimae prolis nomine regentis secessit, multisque aegris & inter hos praecipuae dignitatis viris arte sua consuluit. Redditus denuo penatibus suis sine partium studio sine vanae gloriae cupidine Deo aegrisque seruire perrexit, & ne illotas manus sacris medicinae intulisse videretur, adq̄sitam tot annis scientiam suam examini ordinis Medici in hac Academia Georgia Augusta submittere honoresque & priuilegia ac iura doctoris medici petere voluit. Haud refragari tam iusto petito licuit, nec peractis examini-bus dubitare, quin in dignum & bene merentem haec academicorum honorum praemia caderent, quae illi proinde totius collegii medici consensu decreta in solemni illa panegyri, quae die XVIII. huius mensis instat, bono cum Deo conferam. Ipse vero vt reliqua, quae sui muneris sunt, expleat, disputationem inaugu-
ralem de *Lilii conuallium eiusque imprimis baccae viribus* conscriptam die IV. huius mensis eruditorum exponet placidae disquisitioni, ac sine praefide defendet, & rem omnem sermone de *pietate medici* ordietur. Cui vt

X
prae-



praesentiam suam ac beneuolas aures commodare ve-
lint, *Magnificum Academiae Commissarium, Illustrissimos*
S. R. I. Comites, grauiissimos Academiae proceres, Hospites
omnium ordinum ac dignitatum honoratissimos Ciuisque Aca-
demiae generosissimos nobilissimosque obseruanter & per-
humaniter inuito. P. P. die III, Septembr. A. O. R.
CIOIP CC XXXVII.




FRATRI SUAVISSIMO
JOANNI CHRISTIANO
SENCKENBERG,
S. D. P.

HENR. CHRIRTIANVS SENCKENBERG

Qui ab ineunte ætate, omnibus iis, quæ TIBI fausta feliciaque contigerunt, MI FRATER! haud secus, ac meis, gaudio affici solitus sum, non possum non, in præsens TIBI novos honores gratulari, pro quibus rite, & ex more majorum obtinendis, consuetam pugnam hac luce inis. Dedisti amori in me Tuo, ut nostram, in qua mihi Jus profiteri contigit, Academiam, omnibus aliis, etiam Patriæ nostræ magis vicinis, & hanc dignitatem sponte offerentibus, præferres. Gratias ago vel hoc nomine, & ut albus hicc dies, per multa annorum spatia, semper candidior TIBI recurrat, apprecor. Neque vero eo modo ad huncce locum accedis, quo aliorum multi id hodie agere assolent, maturus hanc lauream, hæc decora ambivisti, quæ capere ante aliquot lustra licuisset. Ea fuit B. PARENTIS nostri institutio, cui plurima TE debere sponte fateris, quique ut Medicus esses, ante quam alii studiorum nomen capessunt, effecit. Meruisse TE quæ mox conferentur decora, judicium Honoratissimorum Collegarum meorum AMPISSIMÆ FACULTATIS MEDICÆ Professorum, satis sufficienti indicio est. Non nisi meritos admittere consuevit GEORGIA AUGUSTA, nec unquam ab hoc more recedet. Redibis ad communem TIBI mecum matrem
ho.

02
honoribus gravis, redibis omni exceptione majore virtutis eruditionisve testimonio munitus, succedes PARENTI in stadio amplissimo, bene merebere de Patria & omnibus bonis. Eæ nimirum fuere B. PARENTIS, quem dixi, spes, quarum eum damnari fata noluerunt, ad meliorem vitam promotum. Est aliquid Medicum agere, si non eo modo agere velis, quo vulgus affolet. Longa experientia, multa adfuitate, ampla eruditione, insigni judicio hic opus. Tu, MI FRATER! præfiscine id dicere Fratri liceat, cuncta hæc unus ad Praxin, quam vocant, affers. Jungis propria longam B. Parentis Observationum seriem, quas partim vivus ore tradidit, partim pluribus voluminibus contextas reliquit. Adfuitatem & reliqua non prædico, partim ne modestiæ TUÆ sim gravis, partim ne TE prædicando, splendorem quasi genti nostræ, ex TUIS virtutibus conciliare velle videar. Accedit reliquis insignis pietas, omnibus certe utilis, imprimis vero Medico commendanda, qui sæpe in discrimine & animæ & corpori simul mederi debet & solet. Ita instructus, tene illud quod cepisti iter, atque ad Optima quævis, ex honoribus in TE conferendis, majores sume spiritus. Gratulor ego TE CIVITATI PATRIÆ, sed meam vicem simul ut doleam, concede, qui eo ipso illius diei dolores sentio, quo a TE denuo divelli necessum erit, cum negotia, ut domo diu absis, non permittant. Quam ægre teram illius diei tristitiam! sed hunc quidem lætitiæ dabimus, de tristibus vero tum cum advenerint, cogitare fatius erit. Ita salve! Dab. prid. Non. Septembr.

M DCC XXXVII.







Göppingen, Diss., 1737

ULB Halle

004 349 628

3



f
56







17
IN ACADEMIA GEORGIA AVGVSTA
ORDINIS MEDICI PRODECANI
ET PROFESSORIS PRIMARII
GEORGII GOTTLÖB RICHTERI D.
CONSILIARII AVLICI ET ARCHIATRI REGII

INVITATIO

AD

DISPVATIONEM MEDICAM
IN AVGVRALEM
CANDIDATI MEDICINAE DIGNISSIMI
IOANNIS CHRISTIANI SENCKENBERGII
FRANCOFVRTENSIS AD MOENVM
DIE IV. SEPT. A. O. R. MDCCCXXXVII
LOCO HORISQVE CONSVETIS HABENDAM.



GOTTINGAE,
STANNO IOH. CHRIST. LVD. SCHVLTZII,
ACAD. TYPOGR.